

**SYARAT-SYARAT TAWARAN PINJAMAN PELAJARAN PERSEKUTUAN
JABATAN PERKHIDMATAN AWAM**

1. PENGAJIAN

Pelajar dikehendaki mengikuti pengajian sebagaimana yang telah ditetapkan dalam **Surat Tawaran**.

2. PERJANJIAN

- (a) Pelajar dan Penjamin dikehendaki menandatangani **Perjanjian Pinjaman Pelajaran Persekutuan**.
- (b) Cara mengisi perjanjian berkenaan adalah seperti di dalam '**Garis Panduan Mengisi Dokumen Perjanjian Pinjaman Pelajaran Persekutuan**' yang dikembarkan bersama-sama ini. **Perjanjian yang telah disempurnakan hendaklah dikembalikan ke Jabatan ini pada tarikh seperti yang ditetapkan dalam Surat Tawaran**. Kegagalan atau kelewatan mengembalikan perjanjian ini akan mengakibatkan tawaran pinjaman pelajaran ini terbatal dengan sendirinya.
- (c) Pelajar adalah terikat dengan segala terma dan syarat yang terkandung dalam perjanjian tersebut yang dibaca bersama dengan Surat Tawaran ini.

3. KELULUSAN BAHASA MALAYSIA

Sekiranya pelajar tidak mendapat kepujian dalam mata pelajaran Bahasa Malaysia di peringkat Sijil Pelajaran Malaysia (SPM), adalah menjadi tanggungjawab pelajar untuk mendapatkan kelulusan tersebut sebagai memenuhi salah satu syarat bagi pelantikan ke Perkhidmatan Awam setelah pelajar tamat pengajian dengan jaya kelak.

4. TUGAS DAN TANGGUNGJAWAB

Semasa mengikuti mana-mana pengajian yang dinyatakan di perenggan 1 di atas, pelajar hendaklah mematuhi semua arahan / peraturan sebagaimana berikut:

- (a) **Berkelakuan** sebagai seorang pelajar yang bertanggungjawab dan dikehendaki mematuhi semua arahan / peraturan yang dikeluarkan oleh pihak institusi pengajian berkenaan dan Jabatan Perkhidmatan Awam (JPA) dari semasa ke semasa;
- (b) **Memasuki dan meneruskan** pengajian serta menghadiri kuliah, seminar, ceramah, tutorial, ujian, peperiksaan dan apa-apa program yang dijalankan berkaitan dengan pengajian dalam tempoh yang ditetapkan;
- (c) **Dimestikan** mengikuti pengajian yang ditentukan oleh JPA. Pertukaran institusi / bidang / peringkat atau penarikan diri daripada pengajian yang diikuti adalah dilarang tanpa mendapat kelulusan JPA;
- (d) **Tidak boleh** terlibat dalam mana-mana kesalahan jenayah dan apa-apa perkara yang akan mencemarkan nama baik Kerajaan dan Negara;
- (e) **Tidak dibenarkan** mengambil bahagian dalam apa-apa kegiatan yang difikirkan oleh Kerajaan tidak selaras dengan kepentingan pelajar atau kepentingan Kerajaan;
- (f) **Tidak dibenarkan** memegang apa-apa jawatan, menjadi ahli atau mengambil bahagian dalam apa-apa pertubuhan, badan atau kumpulan yang pada pendapat Kerajaan boleh ditafsirkan sebagai bercorak politik / militan / subversif tanpa terlebih dahulu mendapat kebenaran bertulis daripada Kerajaan dan Kerajaan mengikut budi bicara mutlaknyanya, boleh memberi atau tidak memberi kelulusan tersebut;

- (g) **Tidak boleh** menerima apa-apa pekerjaan sama ada yang berpendapatan ataupun tidak kecuali dengan terlebih dahulu mendapat kebenaran JPA;
- (h) **Dikehendaki mengemukakan kepada JPA satu salinan keputusan peperiksaan / ujian penggal, semester, tahunan atau akhir dalam tempoh satu bulan selepas keputusan diumumkan dan JPA boleh menahan apa jua bayaran kepada pelajar sekiranya gagal mengemukakan keputusan peperiksaan tersebut;**
- (i) **Pelajar yang tidak mencapai tahap minimum yang ditetapkan bagi dua (2) semester berturut-turut boleh ditamatkan penajaan.** Keputusan minima bagi pelajar adalah seperti di **Lampiran A1**;
- (j) **Tidak dibenarkan** berkahwin tanpa kelulusan JPA semasa mengikuti pengajian. Sekiranya pelajar diketahui telah berkahwin sebelum mengikuti pengajian, maka tawaran ini akan terbatal dengan sendirinya. Walau bagaimanapun, hanya dalam keadaan-keadaan tertentu, permohonan boleh dipertimbangkan tertakluk kepada syarat-syarat berikut:
 - (i) **Mendapat persetujuan dan kebenaran bertulis** daripada ibu bapa, penjamin dan JPA dengan mengisi borang-borang yang ditetapkan oleh JPA;
 - (ii) **Mematuhi peraturan-peraturan nikah kahwin** yang ditetapkan oleh Kerajaan Negeri dari semasa ke semasa;
 - (iii) **Kerajaan tidak akan bertanggungjawab** menanggung apa-apa perbelanjaan yang timbul di atas perkara ini; dan
 - (iv) Kerajaan berhak menarik balik penajaan dan menuntut balik perbelanjaan sebenar jika **prestasi akademik** pelajar **tidak memuaskan** sama ada secara langsung atau tidak langsung diakibatkan oleh perkahwinan ini.

- (k) **Pelajar hendaklah berpakaian sopan** mengikut garis panduan yang ditetapkan oleh institusi pengajian dan semasa menghadiri ceramah-ceramah atau perjumpaan-perjumpaan yang dianjurkan oleh JPA;
- (l) Pelajar bertanggungjawab **memaklumkan kepada JPA** sebarang pertukaran alamat tempat tinggal pelajar dan penjamin dari semasa ke semasa, jika ada;
- (m) Pelajar dikehendaki **menamatkan pengajian dalam tempoh yang ditetapkan**. Sekiranya pelajar memerlukan pelanjutan untuk menamatkan pengajian, pelajar perlu memohon kepada JPA **tiga (3) bulan sebelum tamat tempoh tajaan asal** dengan menyertakan maklumat-maklumat berikut:
 - (i) **Sebab-sebab gagal** menamatkan pengajian dalam tempoh tajaan. Sekiranya gagal disebabkan oleh masalah kesihatan, laporan perubatan perlu dikemukakan;
 - (ii) Borang Pelanjutan yang diisi dengan lengkap;
 - (iii) Struktur pengajian dari semester pertama sehingga akhir semester; dan
 - (iv) **Keputusan semua peperiksaan / ujian** penggal, semester, tahunan atau akhir.

JPA akan mempertimbangkan permohonan pelanjutan penajaan pelajar sekiranya didapati wajar.

(n) **Penangguhan Pengajian**

Pelajar tidak dibenarkan membuat sebarang penangguhan pengajian tanpa terlebih dahulu mendapat kelulusan bertulis daripada JPA.

(o) **Pindaan Tempoh Tawaran**

Sebarang pindaan terhadap tempoh tawaran yang disebabkan oleh perubahan struktur pengajian, polisi institusi, pindahan kredit atau sebab-sebab lain, perlu terlebih dahulu mendapat kelulusan bertulis daripada JPA.

(p) **Tamat Pengajian**

Pelajar dikehendaki **melapor diri dan mengemukakan** satu salinan transkrip sijil / diploma / ijazah atau surat pengesahan tamat pengajian kepada JPA sebaik sahaja memperoleh slip keputusan peperiksaan akhir.

5. ELAUN-ELAUN DAN KEMUDAHAN-KEMUDAHAN

(a) Semasa mengikuti pengajian, pelajar adalah layak menerima elaun dan kemudahan seperti di **LAMPIRAN A2**.

(b) Selain itu, pelajar layak menerima kemudahan tambang kapal terbang tertakluk kepada syarat berikut:

(i) Pelajar Semenanjung yang berkursus di Sabah / Sarawak dan sebaliknya;

(ii) Pelajar Sarawak yang berkursus di Sabah dan Semenanjung; dan

(iii) Pelajar Labuan yang berkursus di Sarawak, Sabah dan Semenanjung.

JPA akan membayar tambang bersamaan sekali, di awal dan sekali, di akhir tiap-tiap tahun pengajian yang mana jumlahnya akan dimasukkan bersekali bersama-sama bayaran Elaun Sara Hidup (ESH) pelajar.

- (c) **Bagi pelajar yang mengikuti penajian di Institusi Pengajian Tinggi Swasta (IPTS), pelajar hendaklah meminta pihak universiti mengemukakan invois yang berkaitan terus kepada JPA untuk pembayaran.** Adalah menjadi tanggungjawab pelajar untuk mengingatkan pihak institusi agar mengemukakan invois pada tarikh yang ditetapkan.
- (d) **Sekiranya terdapat elaun terlebih bayar dimasukkan ke akaun pelajar, maka adalah menjadi tanggungjawab pelajar untuk mengembalikan semua lebihan bayaran tersebut kepada JPA. Kegagalan pelajar berbuat demikian selepas diminta oleh JPA, membolehkan pihak JPA menamatkan penajaan pelajar serta merta.**

6. LATIHAN SISWAZAH (*HOUSEMANSHIP*) DAN / ATAU KHIDMAT WAJIB BAGI BIDANG PERUBATAN, PERGIGIAN DAN FARMASI

Bagi **pelajar perubatan, pergigian dan farmasi**, pelajar dikehendaki menjalani latihan siswazah dan / atau khidmat wajib di bawah Kementerian Kesihatan Malaysia atau lain-lain arahan berkhidmat yang ditetapkan oleh Kerajaan.

7. PERHUBUNGAN

Apabila menghubungi Jabatan ini, pelajar hendaklah menyatakan **nombor rujukan fail** seperti di kepala surat. Nombor rujukan fail adalah sama dengan nombor kad pengenalan pelajar.

8. PELANGGARAN SYARAT-SYARAT TAWARAN

Pinjaman Pelajaran Persekutuan ini akan ditamatkan sekiranya didapati pelajar melanggar mana-mana syarat tawaran seperti yang telah dinyatakan. Sekiranya ini berlaku, pelajar dan penjamin dikehendaki membayar balik keseluruhan pinjaman mengikut jumlah perbelanjaan sebenar yang dikeluarkan oleh Kerajaan.

9. PERUNTUKAN-PERUNTUKAN LAIN

Walau apapun peruntukan dalam syarat tawaran ini, **Kerajaan berhak meminda segala terma dan syarat yang ditetapkan dan / atau menambahnya pada bila-bila masa sahaja** dengan memberi notis bertulis kepada pelajar dan penjamin sebelum berkuatkuasanya notis itu dan pelajar dan penjamin adalah tertakluk kepada pindaan-pindaan itu. **Kerajaan juga berhak menamatkan Pinjaman Pelajaran Persekutuan ini tanpa memberikan sebarang sebab.**

**Bahagian Pembangunan Modal Insan
Jabatan Perkhidmatan Awam
Malaysia**

KEPUTUSAN MINIMUM BAGI SETIAP SESI PENILAIAN

SESI PENILAIAN	JENIS PENILAIAN	BIDANG						
		SASTERA / SAINS SOSIAL	SENIBINA	SAINS / SAINS KESIHATAN / VETERINAR	KEJURUTERAAN / TEKNOLOGI	FARMASI	PENDIDIKAN KHAS	PERUBATAN / PERGIGIAN
Semester	PNGK	3.0	3.0	3.0	3.0	3.0	3.0	LULUS

***Nota:** Sesi penilaian merujuk kepada semester atau tahun tertakluk kepada sistem yang digunapakai oleh universiti.

KADAR PENAJAAN BAGI KURSUS PERINGKAT IJAZAH PERTAMA DI IPT TEMPATAN

<div>Jenis Elaun</div> <div>Peringkat</div>	Elaun Sara Hidup (Setahun) (RM)		Elaun Buku (Setahun) (RM)	Elaun Alat Perkakas (Setahun) (RM)	Elaun Tesis (Setahun) (RM)	Elaun Kertas Projek (Setahun) (RM)	Elaun Latihan Amali (Sehari) (RM)	Yuran Pengajian (Setahun) (RM)
	Kadar A*	Kadar B**						
Ijazah Pertama								***UiTM / Politeknik – 400
a) Sastera	8,400	7,140	600	100	300	150	10	1,100
b) Sains	8,400	7,140	600	200	300	150	10	1,240
c) Teknologi	8,400	7,140	600	300	300	150	10	1,400
d) Senibina	8,400	7,140	600	500	300	150	10	1,400
e) Perubatan								
(i). Veterinar	8,400	7,140	1,000	500	300	150	10	1,700
(ii). Perubatan / Pergigian / Farmasi	9,240	7,854	1,000	500	300	150	10	1,800

CATATAN:

1. ***Kadar (A)** adalah merujuk kepada kawasan Kuala Lumpur, Pulau Pinang, Seberang Perai, Johor Bharu, Shah Alam, Subang Jaya, Petaling Jaya, Klang, Kajang, Selayang, Sepang, Sabah dan Sarawak.
2. ****Kadar (B)** adalah merujuk kepada kawasan-kawasan selain di para (1).
3. *******Bagi pelajar UiTM / Politeknik, jumlah yuran adalah sebanyak RM400 / setahun dan pelajar-pelajar di universiti awam lain, akan menerima kadar yuran pengajian seperti yang ditetapkan di jadual di atas.
4. Bagi pelajar di universiti awam, yuran pengajian akan dibayar terus kepada pelajar dan bagi pelajar di IPTS, yuran pengajian akan dibayar terus kepada institusi pengajian. Tambang kapal terbang dibayar kepada pelajar yang layak dan akan menjadi sebahagian daripada pakej penajaan.